

Eod. ann. Sereniff. & Reverendissimo Josepho Clementi Utr. Bav. Duci, Archi-Episcopo Colonienfi S. R. I. Electori.

M DCC XXVI. Serenissimo Maximiliano Emmanueli, Utr. Bavarie Duci, & Electori.

M DCC XXVII. Sereniff. Principi Francisco I. Farnesio Parmæ Placentiæ, Castrique Duci.

M DCC XXVIII. Serenissimæ Elisabethæ Hæreditariæ Principi Solisbaci.

Eod. ann. Serenissimæ Annæ Mariæ Sardinie, & Cypri Reginæ, Duci Sabaudie. &c.

M DCC XXIX. Serenissimo Leopoldo I. Duci Lotharingie, & Barry, Regi Hierosolymæ.

M DCC XXX. Serenissimæ Theresiæ Cunegundi Duci Bavarie, Max. Emm. Conj. natæ Principi Sobiesciæ.



Viri aliquot Illustres, ex Provincia Bohemo-Germanica qui lapsô Sæculô in Conventu Cæsareo Viennensi vixerunt.

Liceat, post expositam Basilicæ Cæsareæ Historiam, eorum Virorum aliquos in medium adducere, quorum vel Doctrina, vel Sanctitas lapsô Sæculô specialiter enituit, non fastûs quidem, sed memoriæ, & exempli causâ. Viis ii variis, quod anhelabant, beatitatis centrum affecuti sunt, hinc aliorum tentatum per omnia zelum, aliorum victoriosum à se ipsis triumphum, profusam in charitatis opera voluntatem, proum in omnia aduersa animum, per patientiæ, abstinentiæ, humilitatis studia exercitum videre erit, generalibus quidem ostensa terminis, cum ad particularia eorum acta descendere animus non sit. Agmen ducat, qui primas Augustinianorum Excalceatorum colonias Viennam duxit Marcus à S. Philippo patria Moguntinus speciali Numinis ductu Romæ Congregationi nostræ adlectus, Vir ut ad virtutem natus, ita ad sufferenda quæ ejus olim humeris incubitura erant, à natura factus, sublimioribus Theologiæ scientiis ad miraculum doctus, Præco verbi Divini tam absolutus, ut, quod de Pericle scriptum est, de suggestu fulgetra, & fulmina loqui videretur; atque ideo malè feriatorum, aut hæresi infectorum complures centurias Christo vindicavit, eô præcipuè bienniô quo Pragæ apud PP. Minimos ad S. Salvatorem pro asserenda fidei veritate frequentissimè peroraret. Audiit Ferdinandus II. Aug. Marcum in Metropolitana tanta cum voluptate, ut illicò à Concione Clementiæ Suxæ libertum esse jusserit, ac
Theo.

Marcus à
S. Philipp.

Theologum Cæsareum renuntiârit. Admiratione sanè dignus fuit, quoties pro rostris in publico diceret, admiratione dignus in secretis Monasterii latebris, atque, ut verbò multa dicamus; virtutem is habuit domesticam, quam domesticos suos primus Viennæ Prior verbò, & exemplò docuit. Provincia Germaniæ primum hunc suum Patrem, & Provinciale veneratur, Græcense Cœnobium illi sua debet initia, quod Marco, seniò, ac laboribus confecto locum sepulturæ dedit. Cui illatus est MDCLVIII die XXVII. Decembr.

Religiosus Frater Josephus à S. P. Augustino Pragensis, vitæ Innocentiâ Angelo simillimus, atque ideò familiari Angeli Tutelaris consuetudine felix, à quo ad horas nocturnas pro more Religionis decantandas excitari solitus fuit. Mariæ Cliens, & tenerimus amator, mirè vel ejus audito nomine in lætitiâ effundi, gestire, plaudere visus; ut oculi quoque haberent, quò gauderent, illud ipsum nomen portis, & chartis inscripsit. Postridie nascentis Virginis, quò se moriturum multo ante obitum tempore prædixerat, in genua procubus, verus ad usque mortem obedientiæ Filius à Marco Priore suo moriendi facultatem, & benedictionem rogavit, quàm cum Marcus liberaliter impendisset, inter Virginis DEI paræ laudes decantatas suavissimè, velut in somnum lapsus. obdormivit. Pluribus pluries à morte gloriôsè visus, & inter Psallentium choros vox ejus per frequenter audita est. Cœlo natus est Viennæ uno ab hinc sæculo MDCXXX. III. Sept. ann. ætat. XX.

Joseph. à S.
P. August.

Sixtus à S. Laurentio Moravus, primus Institutum Augustinianorum Discalceatorum ut pag. 22. diximus, Germaniæ intulit. Vetus in eo Augustiniani Ordinis rigor revixisse visus est, tam fervidus honoris Divini, & rigidioris observantiæ Zelotes, tam in DEUM absorptus fuit, tam assidue animabus ad avitam fidem reducendis intendit, ut earum complures ad orbitam salutis reduxerit; suam quoque operam Conventui Viennensi impendit, cui, hominum penuriâ ob complures Religiosos grassante lue in charitatis obsequio extinctos, laboranti, viros de Pragensi Cœnobio cui Prior præerat succenturiavit. Epidemica, & ipse lue, quam ab infectis quibus pro Sacro tribunali aures dabat verosimilè hausit, inter Fratrum lacrymas tanti Viri jacturam non ferentium, extinctus est. Pragæ XII. Jan. An. MDCXL.

Sixtus à S.
Laurentio.

Joannes Hieronymus à Spiritu Sancto Sanctitatis exemplar absolutissimum Doctrinæ prærogativâ, & Sacratiorum Disciplinarum Scientiâ Cæsari & Germaniæ Commendatissimus, obedientiâ compulsus Viennensi Cæsareo Monasterio præfuit atque unâ Aug. Cæsari Ferdinandò III. à Theologicis Conciliis. Obiit felici morte, vitæ intemeratæ per omnia respondente, in eodem hoc Conventu terræ mandatus MDCXL.

Joan Hier.
à Sp. Sanct.

Joā. Chryf.
à Jcf. Mar.

Joannes Chrysoftomus à JESU & Maria Virtutis meritò non apud unam gentem celebrer, vigoroso, ac penetrante eloquio Chrysoftomum æmulatus Germaniam, Italiam, Siciliam majoribus in Religione functus officiis, ad Sanctitatem incendit. Ferdinandus III. Cæs. atque Celsissimus Episcopus Viennensis eo Theologo, & Consultore usi sunt. Scientiam semper, pietati famulari jussit, hinc neque negotiorum moles, nec occupationes frequentissimæ minimùm quid Regulari observantiæ detraxere. Visitator Apostolicus, in ipso hoc suo munere Neritone in Italia, exterorum etiam desiderio, qui hominem & amârunt, & admirati sunt, extinguitur. Ann. MDC XLIV.

Joannes ab
Assumpt.
B. M. V.

Joannes ab Assumptione B. V. M. Silesius Krotgaviensis Columbinæ Vir probitatis, humilitate se infra omnium pedes dejecit. Vultus ejus, oculi, sermo meram Innocentium spirabant, Divinum aliquid de facie prominebat, atque idè multis quibuscum conversabatur, Sanctitatis fuit illicium. Præco verbi Divini Zelosissimus præfuit Suggestui Basilicæ Cæsareæ, inde Novitiis instituendis Magister datus est. Adversa non æquus tantùm, sed & hilaris ultrò expetere visus est, inter atrocissimos quos expertus est in morbo dolores statuum, non hominem credidisses, adè omnem pene sensum ejus cum Voluntate Numinis conformitas absorpsit; Corpore rigorem quem assumpserat, & neque æger remiserat, non ferente, succubuit, anima exsoluta vinculis ad centrum suum, quod tantopere exambit, evolavit. M DC LII. IX. Aug.

Sebastian.
à S. Vicen.

Sebastianus à S. Vincentio Franco Scientias pleno ore combibit, pulcherrima ingenii monumenta posteritati reliquit. Virtutem Doctrinæ, pulchro nexu, copulavit, observantiæ à se, atque aliis exactor acerrimus, Hetrodoxos plures, verbis quibus affluebat efficacibus simul & suavissimis avitæ fidei restituit. Metam vitæ Viennæ invenit M DCLIX. 17. Aprilis.

Ægydius à
S. Jo. Bapt.

Ægydius à S. Joanne Baptista, & ipse apprime qua Theologicis quæ mitioribus Scientiis instructissimus, idiomatum insuper variorum Itali, Galli, Hispani, Belgici gnarus complura opuscula abs se composita vulgavit. Pluribus in Congregatione nostra defunctus muniis, in iis ejus tum virtus, tum humilitas in pretio, & admiratione fuit. Cathedram annos 24. ornavit, in Triurbe Prage inter celeberrimos numeratus. Genuinum in vita, & morte Patientiæ exemplum qui podogrâ, chyragrâ calculi doloribus affectus nunquàm vel levissimum doloris sensum ostendit, fati sui præsciis, quod triduo ante in certam horam prædixerat, mortali vitæ valedixit M DC LXI. 15. Novembr.

Bafilio à SS.
Sacramen:

Basilus à SS. Sacramento actiones semper suas accuratissimæ trutinæ appendit, mansuetudine, & suavitate Imperium in omnium animos nactus, eos virtuti vel fidei si ab utralibet descivissent, restituit. Suecò Bohemiâ pulsò qui vel hæresis Virus Re-

gno

gno intulit , vel fovit ab Eminentissimo Cardinale Harrachio Pragenſi Archi-Epiſc. convertendo rurali populo deputatus , in Sudore vultus verbum ſalutis ſparſit , meſſem amplam , plurimas animas , Eccleſiæ horreis addidit. In itinere Italico Generalis V. Socius Neapoli diem extremum clauſit. M D C L X I I.

Gregorius à S. Agnete Glaciô Ducatûs Sileſiæ oriundus , utriuſque Juris cùm adhuc ſæculo militaret Doctôr celeberrimus , atque ideò ob Doctrinæ , & excellentis ingenii prærogativam in celeberrima Præſentia Univerſitate Profeſſor Regius , cathedris , & Doctôratûs inſignibus valere juſſis , humile inſtitutum noſtrum amplectitur Fervore , pietate , humilitate veteranis par. Morti , quam velut trienniô ante præſentit , triennali ſecellu , & negato ſibi in publicum exitu , ſe accinxit , extremum æger fatiſcentibus Viribus hiftoriam paſſi Salvatoris ſibi prælegi rogavit , atque ita mixtis compatiendi ſuſpirio lacrymis beatam , ut pia ſpes eſt , auſpicatus eſt æternitatem M D C L D V I I I . die 17. Junii.

Gregorius
à S. Agnet.

Hieronymus à S. Catharina Græcenſis , Virtutem quam Tyro in Religione didicit è ſuggeſtu in alios transfudit , effectu ſemper ſecundo. Regularis obſervantiæ cultor ſemper indefeſſus , nunquam concitari viſus , ac ubi in ea torpuentes vidit. Silentii rigorem velut linguâ captus , ſemper ſervavit , cellam ſimul in deliciis , & receptaculum ſuſpiriorum habuit. Extremum æger ut Chriſti ſacrum corpus gemitibus nixus ſumeret , inſimis precibus impetravit. Hoc pane ſatur terrena cuncta ſatidiens , inque DEUM velut abſorptus veniam erratorum (quorum nulla erat memoria) à fratribus rogat , verbis ſequentibus adjeſtis : *Habete , quaſo , patientiam , quia hodie hora ſecunda poſt meridiem moriar.* Dixit , & eò punctô temporis , quo æs campanum ſecundam nuntiavit ; ſecundum finem mortali vitæ impoſuit M D C L X X X I I I . 16 Septembr.

Hieronymus
à S. Catharin.

Adalbertus à S. Laurentio Pragæ natus excellens Orator , & Philoſophus noſtris adſcribitur. Prima illi cura perfectum in ſe Religioſum exprimere , uſus in hunc finem geminis mediis oratione continua , quam meditationem dicimus , & mortificatione , quâ hominem inferiorem edomuit. Grande à DEO talentum naſtus , id totum Sacrationibus Scientiis impendit , quas ipſas ſubinde Religioſis tradidit , atque cum iisdem pietatem cujus ipſe vivum exemplar fuit. Sinceritas , & candor ex ejus oculis prominuere ; ægris & miſeris ſuaviſſima , quibus abundabat , verba impendit. Lectoris , Novitorum Magiſtri , Prioris , Definitoris muniis ad amuſſim ſatiſfecit , Romam dein Conſiliarius (Definitorum Generales dicimus) V. Generalis vocatus humilitate obedientiæ cedente , pedes comœavit , atque ibidem fatiſcente corpore Spiritum Creatori tranſcripſit M D C L X X X I I . IX. Maji. Prodigio ſimile eſt tabellam chartaceam ab eo ſcriptam combuſtô ad oras lignô , & conflagrante toto cœnobio intactam manſiſſe.

Adalbert.
à S. Laur.

Abraham
à S. Clara.

Abrahamus à S. Clara Suevus olim Germaniæ Prior Provincialis, iteratò Definitor Provinciæ, Concionator Cæsareus, cuius industriæ plures Conventus, & præprimis Viennensis accessiorem multorum ædificiorum, aliorumque ab Augustissimis Cæsaribus Leopoldo & Josepho glor. mem: cæteræque Nobilitatis summorum Beneficiorum debet. Præco verbi DEI eximius, quò de Suggestu dicente amplissima semper confluentem populum ægrè capiebant templa, ob facundiam Suam Cæsari, Virisque Principibus apprimè charus. Facetias rebus seriis miscuit, ut sic hamum obtegeret, quo capturus erat malè feriatos, & orexim moveret mundo seria fastidienti. Apiculæ similem diceres, quæ melle gravida, aculeum animis peccatorum infixit. Scripsit Libros plures, pluries editos, & nemini ignotos. Meritis, & ætate gravis, morti vicinior factus Sacramenta Ecclesiæ ultroneè petiit, solutumque cruce titulum J. N. R. J. complexus, in ejus osculo animam efflavit. An. M DCC IX. 1. Dec.

Callistus à
S. Innoc.


Callistus à S. Innocentio Bojus à Tyrocinio in Palestra virtutum veteranus, Sapientiã semper, sed illã modestã coætaneos præcellere visus est. Disciplinas altiores frequentius docuit cum fructu, & plausu. Frequenter Prioratûs officio, tum altero Provincialatûs munere functus est. Rigoris Religiosi à se. & subditis exactor, Stationarius chori perpetuus. Discretionis Spirituum Magister; Primus è Germanis Supremo Ordinis Regimini admotus Congregationem legibus, Privilegiis à Pontificibus impertratis auxit, ornavit. Bienniò exactò à secundo Provincialatu æger, & laboribus fractus decubuit, cumque in singula momenta extremum spirare videretur, ad adstantes conversus ait: *Nondum tempus adest mortis meæ, Tempus meum veniet in Festo Conceptionis Immaculatæ Virginis, illa die securus discedam ex hac vita ad Matrem meam, quam semper hîc sincero corde dilexeram* Vaticinium fuisse eventus probavit, eo siquidem die animam suam, ut pia spes est, per Mariæ manus, in sinum Creatoris deposuit. M DCC XIII. 8. Decembr.

Anselmus
à S. Christophoro.

Anselmus à S. Christophoro Austriacus hujus Cœnobii olim supremum caput, universæ etiam Provinciæ Præfæctus, quæ munia ingenti cum laude, & sui commendatione sustinuit. Anno ætatit 23. ob præcocius iugentii rara dona Philosophiam, ac Theologiam docuit, Magni Leopoldi Cæsaris actualis Theologus renuntiatus est. Ob Scientiam & Virtutem Doctis, & Bonis omnibus in pretio fuit. Mundo eximitur M DCC XIII.

Atque hi sunt è pluribus aliquot celebriores Viri, quos olim Viennense Cœnobium habuit, quosque, potissimum, defunctos complectitur. Quibus accenseamus nobiles illas charitatis victimas, quæ grassante per has oras pestifera lue infectorum servitio intentos meriti plena mors viventium numero exemptos, beatæ æternitatis Libro adscripsit, pluribus quidem ejusmodi operi

peri intentis superstitionibus, atque ad procurandam proximi salutem, DEIque cultum promovendum servatis. Eos qui glorioso fatô fungi meruerunt apponimus : Quinque sub initium introductionis nostræ; tum subsequis annis : P. Gratianus à S. Maria, P. Joannes à Purificatione B. M. V., P. Guilelmus à S. Bonaventura, P. Benedictus Josephus à S. Elisabetha, P. Bruno à S. Philippo, P. Martinus à S. Maximiliano, P. Fulgentius à S. Guilelmo, Fr. Antonius à S. Francisco.



Lapides Mortuales Ecclesiæ Cæsareæ, & Familiarum Nobb. Conditoria.

PRÆTER cryptam Augustorum de Domo Austriaca cordium, conditoria suis, suorumque exuviis condendis in hac nostra S. Æde Nobilissimæ Principum, Comitum, Baronum Familiæ sibi delecta, olim habuere, & inibi sepeliri consueverunt. Eo ordine quô sita sunt recensebimus : Illustrissimæ Principum, & Comitum Familiæ à Dietrichstain &c. ad latus majoris aræ dexterum. Illustrissimæ Familiæ Comitum à Tieffenbach, &c. Illustrissimæ Familiæ Serenissimor. Principum à Schwarzenberg, &c. in medio Sanctuarii Illustrissimæ Familiæ Comitum ab Harrach &c. Ponè eam Illustrissimæ Familiæ à Wallenstein, &c. Illustrissimæ Familiæ Comitum à Mansfeld, &c. Illustrissimæ Principum, & Comitum Familiæ à Lamberg, &c. Illustrissimæ Familiæ Comitum Strozzi, &c. Illustrissimæ Familiæ Comitum à Sprinzenstein &c. Illustrissimæ Familiæ Comitum ab Heissenstein, &c. Illustrissimæ Familiæ Baronum à Weber, &c. Illustrissimæ Familiæ Baronum à Remerstatt, &c. Illustrissimæ Familiæ Comitum à Grundemann, & Falckenberg, &c. Illustrissimæ Familiæ Comitum Palfy, &c. Illustrissimæ Familiæ Comitum à Stahrenberg, Illustrissimæ Familiæ Baronum de Thavonath, &c. Illustrissimæ Familiæ Comitum à Salzburg, Illustrissimæ Familiæ Comitum à Selavinoni, &c. Illustrissimæ Familiæ Comitum à Fünfkirchen, &c. quibus adde Prænobilium Familiarum Weidnerianæ, Schlezerianæ, Saaderianæ, Zornianæ cryptas, iis, eorumque descendibus sepeliendis destinatas uti fusius in Instrumentis, super hac re factis videre est. Nunc lapides eos mortuales qui adhuc dum visuntur inspiciamus, quorum seriem, ordinis causâ in quatuor partes, quatuor lapsis sæculis respondentes, dispecimus.

1. Domina Margareta de Wildeck, Ordinis devota Anno Margar. de Domini MCCCXXXVII. III. idus Decembr. obiit. Marmor. Wildeck.

2. Dominus Joh. de Puechaim, hic sep. An. D. MCCCCLII. Puechaim. pridie nonas Maj. Scutum pictum cum Insignibus.

R 2

3. Ana